

程



桂勝第五卷

伏波山

山東劃江巖亦東嚮自非風雨晦冥初景微  
射先燭巖室漸晃潭壑孤峯羣木如出潭裏  
亦巖居川觀之麗矚也且無他道可入非舟  
莫達故游舸多集其下唐伏波廟在郭東北  
二里去山較遠宋元豐間游者題作泱波取  
麓遏瀾迴故云任呂賦詩於巖曰玩珠不似  
後人相循還珠已也或云還珠亦宋人為桂





帥清德之頌蓋比孟嘗珠去復還焉以其時  
合浦隸桂部其意則美惜無所據山後則桂  
城東北雉堞交加故西一面界在城中東北  
有蒙亭遺址亭詩與記并鐫山壁又癸水光  
月兩亭今廢題名內有龍石在木龍渡去山  
里許水中有石龍狀可羣飲其上巖門又有  
試劍石亦鑿空伏波為之者

風土記云伏波廟在郭中之東北二里是東  
漢伏波將軍馬援之祠也

虞衡志云伏波巖突然而起且千丈下有洞  
可容二十榻穿鑿通透戶牖傍出有懸石如  
柱去地一線不合俗名馬伏波試劍石前浸  
江濱波浪洶湧日夜漱齧之

詩

宋章峴 江瀾洄洑嚙山根山裂巖開石室  
存溺鬼夜呼千嶂黑蟄龍晨起一川渾金沙  
試決通泉脉翠壁閑題破蘚痕三伏幾人逃  
畏暑豈惟河朔有清樽



崔靜和韻 古木纏溪出 根四時香火廟  
空存人家曉 聚鳥鳴亂水 怪夜翻星斗 渾靈  
洞仙遊雲自鎖陰 崖龍去石生痕 幸同軒從  
乘餘興 酣醉清時酒 一樽

任續賦玩珠巖 山林自空閒 遊人事幽討  
岫幌與雲關 來跡可堪掃 良維矗孤峯 玉簪  
天杪桂水琉璃碧 洄伏下縈繞 豁衍巖穴  
深 蚪龍雙天矯 坤倪露幽秘 造化殫奇巧 勝  
槩當眼無何方 覓蓬島 悠悠世俗情 是非苦

膠擾水中蟹 何罪徒勞愠 心情人厄困 无妄  
礫石埋幽竅 風月幾年恨 山光慘蘿蔦 星郎  
大嶽孫 長城隱南表 戎旃整且暇 高情恣登  
眺 郊垆擁小隊 一見顏色 愀舊觀 俄頃復洞  
戶 天重曉 傷心日月邁 人世幾番老 山川不  
相似 歲久依然好 呂巖標強名 往事人能道  
孟公謾驚坐 子夏冠非小 桃符錄餘慶 邛勝  
城 濼兆冥數 今乃驗 常情定誰考 哦詩紀真  
石聊侑芳樽醪



呂愿忠和韻 朝野樂昇平園林窮勝討快  
雨洗塵埃秋山淨如掃游鯨聚江灣饑鳥集  
木杪羣岫鬱崢嶸一水翠繚繞雲頭蒼狗變  
龍蛇亂天矯巖洞真奇崛造物逞天巧近在  
堂奧間超然類三島暫捨簿書忙何時脫紛  
擾靜聽黃栗留一聲還復悄麗譙去咫尺跬  
步即幽窈斷崖暗蒼蘚喬木菽蘿葛山腹有  
遺祠隱然見華表筍輿訪崇臺空曠縱遐眺  
八桂困樵蘇嘆息心為恹任侯三蜀秀冰壺

湛春曉有藥駐朱顏可以長不老雄篇頃刻  
成舉座悉稱好夏玉副鳴球士夫喜傳道五  
嶺類觀東一覽衆山小呂巖何興廢事固有  
前兆新詩刻翠岷異日可稽考玩珠紀勝遊  
聊復醉清醪

宗道傳 銅柱威聲凜百蠻肯貪糗載溷溪  
山無人為起文淵問端的珠還薏苡還

朱晞顏 天斲神剗不記年洞中風景異塵  
寰江波蕩漾青羅帶崖石虛明碧玉環地接



三山真蹟在天連合浦寶珠還重來恍似乘  
槎到慙愧雲門夜不關

方信孺 歸舟多載小江春重訪東巖舊屐  
痕挿水峭崖猶有路垂天怪石本無根金華  
仙伯真知己蕙苾將軍足斷魂安得北山公  
可作清渠移取向家園

魯宏正癸水亭 危亭倚巖隈聲名叶地識  
時浮桂藕香水絕戈甲侵敗柳裊烟絲枯荷  
立霜枋呼童理吳榜日月數乘興

蒙亭偈和長句

浚儀張洵

桂林山水冠衡湘蒙亭正在

灘水旁清流洄洑眩波光高崖古木爭蒼蒼  
下有芰荷滿橫塘面面風來面面香新詩一  
咏酒一觴爽氣渾如秋氣涼酒闌巖下踞胡  
牀汲泉煮茗沉煙長從容談咲聲琅琅水光山  
色增輝芒東山蘭亭各一方風流無追謝與  
王回頭塵事皆茫茫為計不若行樂良恨我  
到此情難忘遙指白雲思故鄉



江東尚用之 江亭勝槩冠三湘仁智所樂  
皆其旁翠岫俯映青羅光上有喬木摩穹蒼  
亭下川遊覆銀塘水面風來咲語香騷人相  
值喜飛觴雄辯清談五月涼飲餘相與坐方  
牀論文日暮興何長佳篇疾讀韻琅琅直疑  
星斗煥光芒格高調古說竒方況復筆法追  
二王事業無窮嘆茫茫丹鉛點勘策非良與  
公致道心可忘浩歌直造無何鄉

晉江呂源

九溪灘水接瀟湘萬壑千巖羅

水旁七星高聳生輝光連天一色皆蒼蒼倚  
江景物似錢塘況有萬戶新醅香古洞相對  
舉清觴文淵遺迹徒悲涼安得石枕與藤牀  
夢想昔人風味長滿車蕙苾勝琳琅流傳千  
載事微芒男兒生即志四方將軍異代猶封  
王感時撫事心茫茫顧我豈有籌策良報國  
志願不敢忘此身未暇歸江鄉

三吳李彥

桂江繚繞通湖湘佳山四插江

之旁嵐光滴翠漾波光岸頭秀木皆青蒼誰



人築室枕西塘新荷敲風柄柄香君嘗招我  
來携觴登臨樂臆生清涼倏思伏波離空牀  
且及尊前飲興長紛劇雄辯聲何琅客傳俗  
事江亭芒蠻歌蚤曲咲遐方應無夢怪楚襄  
王但驚歲月去茫茫報國宜多為畫良功名  
未白何時忘此心疇敢憶家鄉

邵武葉宗嚮

我行幾許踰沅湘直抵八桂

灘水旁千山倒影搖溪光秀色不借草木蒼  
茲亭構勝俯回塘野花風遞羅綺香巖前伏  
波航羽觴一洗塵思生清涼疑有仙人白玉  
淋壺中景迴日月長步此仙籟音琅琅世間  
名利真毫芒此景不獨冠南方恨不築室輕  
侯王回首塵迹空渺茫瞥去未必計非良其  
如樽酒情難忘恍然一夢五雲鄉

附巖間二詩

范成大勸駕詩

維南吾國最多儒聳觀迢

迢赴隴書竹實秋風辭穴鳳桃花春浪脫淵  
魚月宮移種新栽桂江水朝宗舊鑿渠况有



龍頭坊井在明年應表第三閣

桂林曹鄴詩云我向月中收得種為君移  
向故園栽今年用故事移桂正夏進德一  
堂又復朝宗渠水以符文章應舉之記趙  
觀文王世則兩人皆魁天下今狀元坊存  
焉故拙句中并及之淳熙元年秋九月

朱晞顏詩有序

洞底石間得枯木一株花

葉咸無而枝幹峭拔如峴山晉栢蓋石之  
精英凝結而成光澤瑩潔不減冰玉扣之

其聲鏗然珊瑚不足道以是知海物惟錯  
其中亦何所不有但世人未之見爾因成  
鄙句刻之八桂堂下巖石間以識歲月云  
慶元改元小春吉日

天教海若效珍祥不與千林春競芳擲地遺  
音清夏玉凌雲直幹凜凝霜誰浮鯨海星槎  
到猶帶蟾宮月桂香冶葉浮光掃除盡堅高  
直欲共天長

文



宋李師中蒙亭記 桂林天下之勝處茲山水又稱其尤而在城一隅荒穢不治若無人知者數千百年間豈天秘地藏不以示人意必有仁智者然後能樂蓋性情自得之也經畧吳君嘗為諫官以言事罷不復遂來歿方既安邊靜民而後及此師中覽而壯之又因斯民之樂名其亭而繫以詩詩曰凡物之蒙在人亦味既有見焉其跡難晦斯亭之成景物來會江山之勝相與無際鳧鷖在水或在

於潯中洲蒲蓮迤邐靜深巖壑沉沉雲氣長陰自公以暇來燕來臨同民之樂而無醉飽之心嘉祐七年八月二十日尚書戶部員外郎直昭文館知桂州嶺南路經畧安撫吳及上石是時師中以度支員外郎為轉運使黃邦彥蒙亭記 紹聖改元秋八月天子以龍圖閣胡公帥桂林公素負才業敷歷中外所至有聲故治桂凡再暮邊境告寧乃得遊山水間訪其昔所嘗聞今所未見者則伏波



巖之蒙亭出焉先是嘉祐中經畧吳公即巖  
之左以為亭名蒙漕使李公記之而鑱於巖  
之崖亭久埋廢記亦湮滅一日憲使梁公出  
其家舊所藏蒙亭記以觀焉由是益知其亭  
之詳巖在城東北隅茂林修竹間有徑寂然  
而幽循山而轉石門磴道迤邐趣雅如在壺  
中卻立仰視巖石翠嶽厯乎江水之涓洞宇  
嵌空可以容賓從而列豆觴亭遺基僅存公  
斥基而新之凡此皆前日之荒涼岑寂隱晦  
而蔽蒙今則變而為超絕殊偉之雄觀蒙其  
顯矣

方信孺寶晉米公畫像記

寶晉米公世居

太原後徙襄陽自公始定居潤州以宣仁后  
恩補秘書省校書郎洽光尉

入淮南幕

改宣德郎知雍丘縣

監中嶽廟授漣水軍  
發運司勾當公事

撰發入為奉常博

士知常州不赴管勾洞霄宮知無為軍復召  
為書畫院博士權禮部員外郎知淮陽軍痒



生於首謝事不許卒於官

年

月

葬丹徒長山下信孺頃過滄光訪公遺跡得北山養疾篇及

石刻

來桂林復

得僧紹言詩序及伏波巖與潘景純同游石

刻公嘗尉臨桂秩滿寓居西山資慶寺

頗與紹言游故有此作其他蹤跡則缺如也

至於序中云書於桂林堂今亦失所在豈

舊尉

耶公作畫史

始尉官桂林而是

時文章翰墨已足以高跨千古然蔡天啟誌

公墓書滄光不及臨桂豈所謂名者臨桂

中耶抑先臨桂後滄光天啟所書畧及

之耶公之孫

公遺文如北山養疾篇紹

言詩序等作皆逸焉豈公時

次偶未見

此耶公碑皆書熙寧七年今去此且

一百二十餘載其聲名與天壤相終始

於先

游桂林者或未必知其詳信孺

將漕於公之曾孫秀實為靜江府

支使歲公自作小像有小米題字其游山



時

此刻之伏波巖公題名之

左且高宗御製碑 像贊冠馬併 公平

於下方

舊游使來者尚可以

想像其凌雲御風之高致云嘉定八年八月  
旦朝奉郎廣南西路轉運判官莆田方信孺  
記其小影之上有高宗御製贊曰襄陽米芾  
得名能書六朝翰墨漁獵無餘骨與氣勁妙  
逐神俱風姿亦然縱覽起予旁又注有先南  
宮戲自作此小像真跡今歸御府友仁書友

仁芾之子世稱小米者

題名

知桂州兼經畧安撫陸詵提點刑獄公事余  
藻轉運判官孔延之兵馬鈐轄白均徐印新  
知鬱林州姚原道經畧司勾當公事劉恕治  
平二年立夏後二日會於此藻題

南陽達夫會稽蔚宗清江志康熙寧壬子八  
月望日同遊東巖

潘景純米黻熙寧七年五月晦同遊



龍石會人龍圖閣待制知桂州曾布子宣轉  
運使尚書度支郎中直集賢院陳倩君美副  
使殿中丞苗時中子居提點刑獄太常博士  
劉宗傑唐輔提舉常平秘書丞齊諶子期管  
勾常平前江山縣丞劉誼宜夫元豐二年六  
月初三日同游泐波巖

建安陳倩吉水彭次雲歷陽齊諶吳劉誼元  
豐三年十二月二十四日同游泐波巖後二  
日大梁和斌獨游王軾題

曲江譚揆弟拱抃湟川蕭汝朗同游紹聖丁  
丑孟秋二日文初題

朝請大夫直龍圖閣知桂州兼經畧安撫胡  
宗回醇夫朝奉大夫轉運副使程節信叔朝  
散郎提點刑獄梁子美才甫奉議郎提舉常  
平譚揆文初累會泐波東巖茲巖勝絕在桂  
林洞穴之上其蒙亭之本末景物之交會已  
載經畧司管勾機宜文字黃邦彥之記云紹  
聖三年十月二十二日管勾書寫機宜文字



胡義修奉命題

路分程子立被命西邕兼將黃忱君錫餞別  
於蒙亭時元符己卯孟夏既望

鄱陽程節信叔曲江譚揆文初臨川劉蒙章  
明全魏董遵守道廬陵曾鎮次山自八桂堂  
過伏波巖啜茶遂遊龍隱洞辛巳清明前二

日謹題

乙未元日端臣隻遊

曹聖邁黃彥

劉秉文李端臣躡蹠青驄綠

綠楊櫨芳蒞挹滄瀾與春工相忘無何鄉政  
和丁酉絕煙節

清源劉鎡逢時膠州蔡懌樂道晉江呂汴子  
會祥符馮元震亨之襄陵侯材晉卿蒼溪王  
蕃子宜自湘南樓泛舟過泐波巖避暑抵暮  
而歸宣和己亥六月十六日

李昇之譚振尚肅之黃鐸同游

桂林富有巖穴而盛暑易於來游者唯東巖  
冠之宣和庚子六月二日三衢毛子嘉率天



台周文虎睢陽張君原四明林芑民巴陵黃  
師心三衢徐伯材會飲於此翌日天台周彥  
作復携酒與昨日諸公偕來獨文虎伯材不  
至而宜陽吳廷貺與之

建安練山甫補官宣和乙巳寒食前二日携  
家來遊子宗衮宗元宗 孫應侍行甥潘希

孟奉命書

經畧安撫蔡懌同提點刑獄尚用之轉運判  
官黃鐸轉運判官曹邁提舉常平王舜舉庶  
訪使者練山甫早飯靈隱過曾公巖栖霞風  
洞程公巖烹茶晚會於八桂狀波巖抵暮而  
歸時宣和乙巳季春初十日題

晉江呂成之詣樞府稟議紫洲李域建安呂  
著長沙李服休都嶠陳覺湘潭吳芾飲餞於  
狀波巖時靖康初元季夏四日

孫仲益自 山還晉陵桂帥率二漕憲車餞  
於八桂堂劉立道陳景淵董令叔趙少隱紹  
興四年十月二十一日



潮陽劉昉方明自蜀還鄉過桂林寓八桂堂  
治舟狀波巖下追念昔為兒童侍先子官於  
此邦始至以政和乙未之秋而其去以宣和  
乙亥之春今三十年恍如一夢感歎之餘因  
識巖壁庶使後有考焉男汶胃溱孫男駒騎  
鸞鴈鴻外孫葉騏侍行紹興 辰六月中澣  
方明以戊辰六月

舟東歸翌日解

維泊雉山又翌日聞命復帥湖南遂還八桂  
辭不獲命改元而北以十月二日啓行赴鎮  
是用再勒於前題之左方

浚儀張璩溫之被命前來賜經畧施大資止  
八桂堂五日復還武林因暇縱步來觀是巖  
紹興丙子未伏前一日

賜下有三字似夏樂窩豈施有所居名之  
御書遣賜又恐涉謬故不具書

拱甫鄭子禮挈家來遊隆興甲申中秋日林  
得之置酒喜豐堂劉子思滕子昭蔡濟忠張  
安國林德光同集乾道元年臘月



宋公玉歸豫章王壽卿姚周卿田子寒張子  
真子斐程善道黃德制王儀之滕彥真飲餞  
於此乾道己丑六月十七日

秦舜卿李南夫淳熙甲午重陽日來游

淳熙丙申三月九日王千秋袁清之官泰寧

王登叟李壽言劉李靜翁徐體仁官達卿

鄭陳席珍謝長卿李子呂伯餞於

癸水亭千中千乘與焉

方信孺楊志李閔祖嘉定間同游

嘉熙改元初伏後一日長沙雷文瑞祥仲趙  
師鐸舜臣虞舜臣寅之劉應定直甫羅仲孺  
巨卿

黃岡徐敏子銜命措度南州館穀巖側四明  
戴炎長沙韓夢發寶婺周翦星渚馮弼外孫  
上饒尤日新侍時淳祐丙午仲春下澣  
淳祐丙午立冬後七日廬陵劉受祖之橫槎  
惠祖之蒼梧艤舟伏波巖下

蘭谿趙立德成以寶祐甲寅歲閏六月十有



一日携家東歸艤舟還珠洞至二十一日游  
徧諸巖洞即行

長沙胡德新盤叔泛灘歸湘猶子克紹同資  
中郭又新居安及鄉人周德明清叔梁世賢  
國佐鍾螯子浚鄭益謙遜伯飲餞桂水亭裴  
回巖下咲談竟日執別煙雨中寶祐乙卯元  
宵後一日

覃懷李曾伯長孺以淳祐己酉來牧是邦越  
卜年再開制閩屢至此洞每輒煮泉瀹茗爽

回竟日令人起清斯濯纓之想不知身在飛  
鳶跼跼墮水處也蓋參山帶水勝絕天下而  
此洞又居參帶之勝舊有癸水一亭因城築  
令更為之男杓杞籽孫國華侍景定庚申首  
夏二日謹識

眉山朱景行以咸淳戊辰十二月三日登舟  
於此

吳興陶定安世來游甲申冬十一月初張公  
位張唐輔吳正禮同游



劉舜舉張子容子直子安胡宗周同來庚寅  
三月中澣

靜江軍三大字 集賢殿修撰熙河蘭岷路  
經略安撫兼知熙州鄜陽鍾傅書寶文閣待  
制知桂州兼廣南西路經畧安撫使鄜陽程  
節上石

正夏堂三大字隸書 吳郡范成大立睢陽  
杜易書

還珠洞三大字或曰張孝祥書

瀕山人曰伏波功烈著在嶠南及壺頭沒而  
蒼苴之謗興去征南歲月頗遠顧獨令東巖  
蒙斯號謬矣比考或為頌桂帥之言與尹氏  
志符謂張維以張孝祥更之孝祥故有朝陽  
亭棠陰閣兩記美維而維假此并張公洞荅  
孝祥亡足疑者第所在壁峭潭深抄榻憚險  
無從得其本觀之為快也當伏波軍行時亦  
未出此道不然武谿之吟何所發之即邳離  
入越亦從桂陽下匯水武水出臨武匯水云



在四會漢書作湟水出東道為便新息故遵  
用焉乃鑿道及他兵間或經此前葉令議祀  
兩伏波不知邳離曾未涉境有其舉之新息  
是已柰何邳離云乎范之勸駕無關於山以  
序有朝宗渠先之以祖道終之以信孺渠繫  
不細朱之異木得之山下故附見之光月癸  
水兩亭詩僅存曾之一餘諸蕪詞不敢槩入  
蓋有以哉

桂勝第五卷

桂勝第六卷

七星山

渡江而東則有七星峯駢岫列高視近野羣  
山莫與並然亦以有諸巖洞冷水出其東栖霞  
出其西又有玄風彈丸為栖霞左右掖南  
則龍隱雖小隔越諸峯迴映連綴狀斗故曰  
七星彈丸溪水流經山前冷水亦自有泉橫  
貫其中以魯相國布梁水上故巖一名曰魯  
公栖霞相傳名起自唐宋改為仙李巖玄風



則陰飈從洞出坐者忘暑彈丸本以溪石圓  
轉名之而其他烟堂霧室半出空中道絕不  
可攀窺者有七八處若在地上列炬可入火  
光所及瑋怪觸目不可勝數雖積乳所鐘巧  
踰雕畫孰為此者造物人謀鬼謀烏可効乎  
惜不遭班張左潘觀靈祕發盛藻賦之以傳  
而徒得鬼瑣如宋以來載筆者能無慨哉非  
此又無所錄龍隱特起故別之

栖霞

唐祀玄元於此故名玄元栖霞洞傳

聞洞前有唐慶林觀又曰東觀

風土記云東觀在府郭三里隔長河其東南  
皆崇山巨壑綠竹青松峒崆幽竒登臨險易  
不可名狀有石門

之狀而隘秉燭行

五十步有洞穴坦平如毬場可容千百人如  
此者八九所約畧相似皆有清泉淥水乳液  
葩漿怪石嵌空龍盤虎踞引燭緣涉竟日而  
還終莫能際相傳云昔有人好泉石多束花  
果裹糧深涉而行還計其所行已及東河之



下如聞棹楫湍湍之聲在其上又山外高峯  
舊有亭臺近已摧壞

虞衡志云栖霞洞在七星山七星山者七峯  
位置如北斗又一小峯在旁曰輔星石洞在  
山半腹入石門下行百餘級得平地可坐數  
十人旁有兩路其一西行兩壁石液凝沍玉  
雪晶瑩頂高數十丈路闊亦三四丈如行通  
衢中頓足曳杖鏗然有聲如鼓鐘聲蓋洞之  
下又有洞焉半里遇大壑不可進一路北行  
俯樓而入數步則寬廣兩旁十許丈鐘乳垂  
下纍纍凡乳狀必因石脉而出不自頑石出  
也進里餘所見益奇又行食頃則多岐遊者  
恐迷途不敢進云通九疑山也

詩

唐從事盧順之於東觀席上贈張侍郎

渡江旌旆動魚龍令節開筵上碧峯翡翠巢  
低巖桂小茱萸房濕露香濃白雲郊外無塵  
事黃菊筵中盡醉容好是謝公高興處夕陽



歸騎出踈松

張侍郎固和

亂山青翠郡城東爽節憑高

一望通交友會時絲管合羽觴飛處咲言同  
金英耀彩晴雲外玉樹凝霜暮雨中高詠已  
勞潘岳思醉歡慙道自車公

張 遊東觀

巖岫碧潏顏靈蹤若可攀樓

臺烟靄外松竹翠微間玉液寒深洞秋光秀  
遠山憑君指歸路何處是人寰

宋 政 覲

十載汙脩門簷橐侍帝垣五雲深

莫窺衆星拱以繁一坐犢背書身落海上村

山川發餘想鐘鼓眩昔聞星圖煥斗極兩兩  
錯地文今夕復何夕乘槎造天闔日月豈可  
挾參井定足捫誰能揭其柄為我酌瀛樽

呂愿忠

郊原同按轡杖屨陟青冥山色混

林樾溪光照斗星 峯高插戟兔徑曲穿庭

一聲遠千巖特 青

張孝祥登七星山賦呈提刑仲欽 魁杓歷

歷控雲嵐地闔天虛萬象涵不與天公管喉





原件短缺

P5



舌猶堪嶽立鎮湘南

張維次經畧舍人韻 列岫凌虛滃翠嵐龍

泓澄澈七星涵巖瞻好向西湖著飛去何妨

自嶺南

張自明 玉洞沉沉鎖碧虛月華曾伴日華

居刀圭影觸金丸彈蟬蛻形留錦鯉魚舊隱

已荒三逕草仙人忽授數行書丹霞自有栖

真處十里風松可跨驢

羅大經從趙季仁遊洞作 瑰竒恣搜討貝

千趾老仙遺祠邈誰始後繼述之李復李異

枝同根隆福祉巨畫更鏡埒前美紫氣臨關

西未止強留著書繁尹喜末孫銘焉適當爾

附名崖端永不斂

范成大碧虛亭銘并序 唐鄭冠卿遇日華

月華君於栖霞之洞與之笛不能成聲傾壺

酒飲之僅得滴瀝獨記其贈詩二篇出門見

二樵者問曰洞中樂乎跬步亦失所在吳人

范成大小築其處以識幽討按詩卒章云不



緣過去行方便那得今朝會碧虛即以扁榜  
且銘之巖壁銘曰空洞維石中函碧虛誰歟  
知津有翹負芻我來扣門兩翁在否雖不能  
笛能醉君酒為君作亭表巖之扁名翁所命  
而我銘之

題名

河間俞獻可上谷燕肅趙郡李誥聖宋天僖  
二年秋月中元同游

皇宋慶曆四年甲申九月二十三日辛巳廣

南西路提點刑獄尚書虞部郎中隴右李永  
德尚書職方員外郎知桂州汝南周騃尚書  
都官員外郎新知永州滎陽潘衢轉運判官  
太常博士安定梁戴

曹聖延李端臣躩雲磴摩星魁倚筇少憇於  
此丁酉七夕前三日

經畧安撫蔡懌樂道提點刑獄尚用之仲明  
廉訪使者張洵仁仲宣和甲辰八月初八日  
同游



紹興六年丙辰歲上九日八桂龍躍并宛丘  
唐全同判仙李記到此因而刻題

方城張淵道晉陽路質夫贛州曾吉甫桐廬  
方務德潮陽劉方明紹興戊辰六月丁酉同  
登七星山

紹興丁丑正月己巳府縣官屬汝陰張好禮  
定叔開封李喬元傳之睢陽王處存子安洛  
陽楚偃師言長沙吳延年永錫壽春魏美言  
季及溫海戴子琦君美清江楊儼正伯休務

相從尋春於訾家洲訪程公巖入栖霞洞憇  
於黃氏之園極一時觀遊之勝繼至者二人  
開封賈戒之公戒柯山陳梁伯初

余素有山水癖游宦江浙逾二紀明峯繡川  
歷覽幾盡飽聞八桂巖洞之奇恨未能一到  
得郡鬱林因携家謁清惠祠泛舟過龍隱食  
已由魯公巖入栖霞洞窈窕數里不能  
極其涯既出相羊石扉宴坐終日有野雲飄  
素練羣峯錯蒼壁超然頓忘慮信壺中有



天語非虛誕又疑飛空步霧乘風駕鶴而來  
想仙島蓬宮不異此也隆興初元七月十七  
日三槐王定甫之書會稽諸葛國瑞永嘉林  
騰遠偕行

乾道癸巳重九吳人章潭遽道范成大至能  
携家同登七星山遂遊栖霞水月諸洞

鄭少融趙養民李正之范至能落壺天觀還  
會碧虛淳熙元年

范至能赴成都率祝元將王中顯游于明林  
行輔周直夫諸國叔時酌別碧虛淳熙乙未  
二十八日

增城崔公正子被旨奏事以癸酉上春下泮  
舟行先一日括蒼管定夫濟陽李誠之會飲  
於湘南樓已而遊屏風彈子巖栖霞洞泛舟  
龍隱歸集於翛然亭時積雨新霽風月較美  
清流碧巘隨處莫不呈獻特為公妍黃童白  
叟夾道相與咨嗟深惜公去蓋公持憲甫暮  
年而行部之日居半未嘗足歷巖洞及茲召



行肯為一日留酒行加嘆曰天下巖壑稱誦  
此地誠亦希有人生臭味投合此會良未易  
得景物與人情覺相愛戀此意尤難忘其為  
我鏡此語於巖石他日以墨刻寄似亦足以  
慰所思云故書

莆田方信孺

嘉會七星山嘉定陽

月來

呂偉信留桂林五月凡山水之勝無不登覽  
於其行也蔡顏仲具酒率韓弼時蔣商澤同  
遊以別之陰風淒涼倍有離羣之念癸卯九

月二十日

淳祐辛丑六月二十一日昭武謝達叔達金  
華劉泳清叔臨川羅愚季能遊

江右蕭澥曹朋年周復明曾遊

萬必達淳熙改元仲秋九日獨步壺天觀回  
憇碧虛伏讀鄭君事蹟長歎二真景昔時之  
集今獨何異於愚也敬書

洞有李彌大仙李巖三大字



洞門上有方信孺遊四大篆字又有小書嘉定甲戌七月既刻於栖霞洞

玄風洞

虞衡志云洞去栖霞旁數百步風自洞中出寒如冰雪

詩

宋曹輔同歐陽晦夫邂逅遊風洞一水羣峯翠若堆洞天終日鼓風雷每懷絕境超然處却與幽人偶爾來

李彥弼與曹聖延遊風洞及七星觀賦長句  
文英子建聲華烜少陵嘗詠波瀾濶遐流疊  
疊鍾宜春觀君紫芝真秀拔華山駮耳汗血  
孫奚取王良手芻秣駸駸凌厲追遺風胡為  
頓纓馳駱越誰嗟長庚有老裔壯齡直欲排  
紫闥初從附鳳矯飛翔晚乃射虎耽踈豁強  
顏方喜安斗筲稟分何能塊圭撮胷中琳琅  
第埃壒自慙鈇鋒乏破割時過西鄰斲發藥  
雷引玉泉澆膝渴新商執矩蚤威令甘靈騰



虛摧虐魃約君飄鳧泛滄漪背負青天 天  
闕風來空穴襲髮毛刷腋涼飈振絺葛冷然  
便擬子列遊不待別起青蘋末徐濟七星趾  
山椒杓魁敲虛狀旋幹近君白雪熱何有高  
談一激錐囊脫板肩作者古蹊徑餘事篇章  
隨擊鉢盤跌不減二華君妙閱枯碁戰挑棺  
光騶搖縱莫可留四序翩翩幾箭筈頃看金  
柳流鶯鳴俄聽玉露叢蟬聒清輝默韻無絃  
琴鳥用檀槽揮一抹我方騷愁愁到骨潛睨

蠹蟬眉目緜徒操詩窮擁鼻吟

或酒酣將

月唱生平剛腸久已屈賴爾匹夫難志奪故  
交紛紜翺赤霄大鈞播物昭窮達德尊一代  
元坎珂儒腐百年決麤糲南溟垂翅雲翼收  
北窓點卧霜鬢將病馬猶期春草長涸魚終  
需江水活君行趨覲長安日軼興橫秋疇可  
遏公卿傾風定援手鴻造機緘由一撥江湖  
要作迴相忘靜言可咲相濡沫

趙夔

青嶂橫開高幾重巉巖直上半天中



虛明洞口千年久澄澈流來一溜通海蚌張  
頤方吸月雲龍奮跡遂乘風隼旗出有隨軒  
雨指日秋成賀歲豐

張孝祥 山入烏巒連越雋天開斗野對珠  
宮應憐桂海長炎熱乞與清涼萬竅風

文

宋柳開銘并序 出桂城東抵慶林觀背山  
下有洞出風淳化元年開知州事往避秋暑  
因刻銘於

桂東叢峯洞穴空通淒肌

森襟沒骨浸心瑩雪若潔凝冰若冽暑宇如  
燠周匝流毒其何如斯為能去之嶺山峩峩  
嶺水湯湯亘古綿今氣炎土荒物爽爾情候  
乖翔節夏雨多涼秋旱多熱春裘冬扇朝順  
夕變反側無恒天癘相仍我來洞中百慮時  
窮條然自釋忘歸終日勒銘巖石用紀罔極  
題名

程節信叔張景溫敦直董遵守道許端臣中  
甫元符三年五月十九日遊



政和壬辰季秋丙子經畧安撫使王先之邀  
轉運副使陳道夫提點刑獄唐夢傳提舉學  
事陳質夫提舉常平陳從道走馬承受陳明  
遠轉運判官唐晉德蚤集東禪寺飯於安樂  
堂煎茶少憇遂過風洞

宜春曹邁聖廬陵李彥弼端臣凌商衢絕  
湍桴挾隨車之霧潤探空穴之薄膚於是  
雲子甌酪奴討文囿之菁英研道樞之虛無  
恍契夫禦寇之冷然欬翺乎寥陽之清都政  
和七載丁酉七月上澣日李昂霄奉命書

來風亭落成少隱置酒會者幾人立道景淵  
今升汝弼仲益紹興甲寅七月十一日

彈丸山宋人名其巖曰彈子今日

水經云灘水又南合彈丸溪水出於彈丸山  
詩

朱晞顏 傷弓枉木謾猜嫌巖石稜稜彈樣  
圓鵬鶚橫空秋凜凜鳧鷖渡水晚翩翩私心  
灰冷慵思繳蹇步塵勞不受鞭挾彈張弓付



年少歸歟趁取菊花天

宋陳讜 地迥山竒怪神仙喜穴居百雲剝  
洞巧五石補天餘商野幽人夢周南太史書  
心乎愛丘壑勝槩一躊躇

徐夢莘與鄉人宴集巖中作 吾儕生江南

遠近且隣鄉一官皆為貧餬口走四方遇合  
良獨難動如參與商誰知自有時朋盍聚炎  
荒外臺叅計畫幕府佐紀綱出宰得壯縣司  
教涖郡庠曹掾勝三語簿領真仇香不止似

人喜頓覺吾輩張合坐尊序齒避席敬行觴

巖洞縱登覽杖屨陪倘徉棊矢以相娛嘯歌  
情意長舉酒起祝規愛我藥石良古人尚植  
立君子道其常平生學忠孝餘力從文章臨  
節不可奪當官有何強窮乃見節義老當志  
彌剛鴻鵠在寥廓騏驥終騰驤願言各勉旃  
事業要輝光他日光上道富貴無相忘

無名氏訪東溪舊居 出山曾與白雲期為  
道歸来自有時花老任從春盎盎客愁寧免



髮絲絲知還迴有陶潛興念遠誰憐宋玉悲  
見說竹林新笋盛已分清影過藩籬

又去去來來醒醉間事牽南北自相關寒  
蛩數處坐中苦歸雁幾聲天外閒情愛已流  
三峽水夢魂時傍七星山去齊孟子休濡滯  
豈必虞庠好鑄顏

題名

諸巖多奇觀獨少寬平縱步之適惟彈子巖  
前有地百餘畝水竹竒窈窕以遠山經畧眉  
山劉公焯始買地為圃隔橋築亭仰觀崖石  
如坐冷泉對飛來諸峯遂為桂林勝遊之最  
淳熙庚子中秋日舟於靈隱亭登舟貫龍隱  
得雨甚涼泝流酌癸水亭上醉荷香而歸括  
蒼梁安世題

江西鄉人同仕於廣右者十有二李蹊成叔  
郭有馮充誠潘修文叔李石韞王徐夢莘商  
老玉璪季文張坦明仲蔡詵子羽陳公璟師  
宋魏沐熏父王思詠詠之孟浩養直淳熙重



光赤奮若仲秋中澣講鄉會於湘南樓過彈  
子巖題石

淳熙九年歲在壬寅暮秋初吉七閩熊飛景  
瞻以憲事行部至桂林與鄉人宦游者李墓  
東暉李擱伯廣王葵欽之陳閱周卿上官駿  
子聲鄧夏卿仲華吳三錫寵卿吳榮漢老楊  
延季洪卿陳璧廷珪鄭寔希聲潘元震子聲  
陳光祖昭遠吳孝友次張趙冲虛中莊漢輔  
季良蔣孟震震卿朱木仁叔陳應定夫會於

諸洞以賡庚子之盟與者滌陽馬演季長青  
社銜良弼傳鳳臨川蔡詵子羽

桐廬詹體仁三山林真隅遊龍隱曾公栖霞  
彈子諸巖洞天霽氣和徜徉終日第憲車行  
部不得同此樂也淳熙乙巳正月中澣

莆陽陳讜正仲自三城辟守懷澤就銓計臺  
仲子璉侍行臺府賓佐移尊水東盤薄松關  
歷覽曾公栖霞彈子諸巖洞同游者十二人  
北嶽王宗孟景醇泉山趙庚叔初林子蒙亨





原件短缺

P18



仲廣平李正夫頤老廬陵董世儀子羽建安  
鄭繼勳少周劉襄伯寵臨川楊汝明仲藻西  
安徐詡叔虞金華宋姓茂叔新安朱權聖與  
長沙李魯玉伯溫時連雨習霽寒氣亦歛景  
物呈露極驩乃歸慶元改元冬十一月二十  
有六日

開禧改元季冬中澣東都趙善基作肅領兒  
曹汝冽汝瀧汝湜汝渲來遊婿昭武謝寧孫  
鄧友直外孫謝濟鄧筠侍行後一年清明前  
間傳說功高傳巖野謝安名著謝公山激泉  
救旱為霖雨磨石書勲破海蠻應共白雲同  
一意帝鄉歸去未能還

曾布和 從事區區厭獨賢尋幽深入翠微  
間旋開榛莽東郊路偶得神仙舊隱山都嶠  
三天臨瘴水靈巖十里接溪蠻何如咫尺隣  
風穴杖屨時時一往還

苗時中 紅旆尋幽東郭旁泉巖新得冠殊  
方一川氣象天開作萬古荆榛地蔽藏崖穴



下鷲堂室闢榜名知與日星長異時人指溪  
橋水思愛還同召伯棠

劉宗傑 謝公高興在東山尋得仙巖郡邑  
邊萬朵連峯凝碧乳一溪鳴玉逗寒泉由來  
物外無塵景須信壺中有洞天嶺服已安襄  
詔近莫將歸夢更留連

彭次雲 日擊烟霞畫卷舒披榛敲石得蓬  
壺洞天日月千年久人世塵埃一點無靈藥  
難尋雲縹緲落花不見水縈紆使君鳳閣翺

翔近謾與東山作畫圖

齊謀 天作地蔵知幾年公來因得茂林閒  
誰言物外真仙境祗接人居近郭山石乳望  
中蒼玉墜泉源深處卧龍閑行看再為蒼生  
起乘興從容重返還

劉誼 尋得新巖冠一州使君從此作黿頭  
千年草莽埋幽致今日衣冠成勝遊洞穴已  
能驚俗眼神仙須合隱浮丘主人將為商霖  
起還許微官卜築不



楊楨賦呈經畧龍圖曾公 陽巖高敞納晨  
曦鶴駕雲輶或可期神物雕鐫元入妙人工  
開闢更增奇須知水石清涼處絕勝塵沙熱  
惱時紅旆碧幢勞小駐多慙主客濫追隨  
尚用之和 當暑都忘畏赫曦遊觀邂逅得  
心期成其自爾從天造賁以人為特地奇風  
露乍涼秋至後林巒散影月明時朱轡好事  
留佳客大醉高人許鎮隨

孫覲 羣峰倚天立萬馬屹不動風欹紫玉

珂雨暗青絲鞵相君千里目渺渺孤鴻送披  
雲覲天功鑿翠出巖洞中空貫長虹側立部  
天甕宛宛卧石梁欲起特地控玉棺已上天  
甘棠有餘誦獨餘澗底泉時與幽人共  
李彥弼 嵌竇栖霞敲虛轉杓左騃鸞翼右  
耳鳳簫爽排酷烈境遶氛囂靜者多妙於鳥  
消搖

張金 欲訪真仙小有天路窮崖絕俯靈泉  
相君聊試濟川手翳鳳騃鸞盡有緣



文

宋劉誼記 元豐元年冬交人入貢上方擇  
人處置事乃詔曾公自廣州移帥桂府二年  
南方無事民和歲豐公以其餘暇訪尋桂之  
山水竒勝處一日率郡僚遊所謂風洞者縱  
步而東行得一巖於榛莽間巖之前有石為  
之門屈曲而入則流水橫其中碧乳垂其上  
周環而視其狀如雕鐫刻鏤殆出於鬼工而  
不類於融結者也公於是拂石求前人之跡  
則亦嘗至者焉乃構長橋跨中流而渡以為  
遊觀宴休之處且與衆共樂之自是州人士  
女大夫四方之人無日而不來其巖遂為桂  
林絕觀夫桂之洞穴最多南而白龍北有石  
門迴穴據其東隱山在其西皆唐名流之所  
嘗遊也觀其咏歌序刻莫不極道其勝槩而  
嘆前人之所遺者斯巖之景亦冠絕矣而乃  
獨遺之是真可歎也已豈當時忽於尋訪而  
不見耶將唐入所謂天作而地設之必得於



子之多顯耶余生長東吳號為山水窟中如  
天台雁蕩最為奇觀然未有過此者也邦人  
樂公之德政而願以曾公名其巖以比甘棠  
之思余故為書之且以告後人收入為圖經  
盛事云公名布字子宣其年九月二十六日  
管勾本路常平前江山縣丞劉誼記

題名

元豐三年十二月初五日權本路轉運使朝  
散大夫直集賢院陳倩君美權荆湖南路轉  
運使朝奉郎直集賢院朱初平仲隱權發遣  
提舉本路常平等事光祿寺丞劉誼父同遊  
曾公巖時仲隱宜父瓊筦體量安撫回歸任會此  
盧約潛禮胡田耕道劉川子至胡義茂修方  
樓禹鄰元弼葉世隆振卿閻淳質夫傅諒友  
冲益方元哲允迪紹聖乙亥初偕遊

朝請大夫直龍圖閣知桂州無安撫經畧胡宗  
回醇夫朝奉大夫轉運副使程節信叔朝奉郎  
提點刑獄曹輔子方朝請即轉運判官程遵彥



之邵承議卽提舉常平徐常彥和紹聖乙亥  
季冬甲辰同遊

轉運判官周元吉寵遷近部副使唐夢傳餞  
別遊此提舉學事戴質夫提舉常平陳從道  
預焉大觀四年六月十八日權知州事張莊  
正民題時自妙樂來從風洞轉魁龍隱江歸  
先之道夫夢傳質夫從道明遠進德政和壬  
辰歲季秋丙子日自風洞來遊曾公巖清坐  
良久遂過龍隱

經畧安撫蔡懌樂道提點刑獄尚用之仲明  
廉訪使者張洵仁仲宣和甲辰八月初八日  
同遊

湘陰彭子民彥修建安劉川子至西安留怙  
彥強洛陽席貢叔獻同遊曾公巖元符戊寅  
九月二十五日庚午題

經畧安撫劉彥適轉運副使陳充提點刑獄  
董莽轉運判官趙子巖富陽故侯孫覲紹興  
四年七月十二日同遊



番陽汪恪義安劉文桐廬方洪紹興戊辰六月二十有八日同遊

方城張淵道晉陽路質夫贛州曾古甫桐廬方務德潮陽劉方明同遊曾公巖紹興戊辰六月丁酉

唐逢堯趙周材劉時舉方稚川王公休汪聖錫紹興辛未二月二日同遊

淳熙五年廣漢張栻敬夫時以閏六月朔旦北歸湖湘前三日與長安周椿伯壽來遊水

東諸巖以致其欲去之意賓客相追尋於山間者陽武万俟立中不倚建安黃德琬廷瑞八桂張仲宇德儀蔣礪良弼唐弼公佐李化南夫延平張士侂子真邯鄲劉乘晉伯長沙李揆起宗吳獵德夫宜春李逢源造道東萊呂修年永叔

淳熙辛丑立秋後一日括蒼梁次張拉清江徐商老浚儀邢之美延平張子真柯山李伯寅來遊當暑而寒劇飲不醉



蔣子明王千秋謝長卿紹熙二年六月晦日  
來遊

鄭子壽倅清湘總檄過八桂妖山別行以嘉  
定己巳之朔旦偕前邵陽令三山江信之來  
遊

潮陽鍾大鳴赴廣東運司進士試莆田方信  
孺約同訪堯山歸路過曾程二巖酌別於龍  
隱來日遂行玉笥山道士胡佺平偕至嘉定  
八年六月晦

嘉熙己亥重九日帥守建安徐清叟直公羽繡  
使稽山黃自明明仲同遊

癸丑十月十七日丘仁叟譚雄飛裴夢貺同  
遊

高陽許慶元善弘農楊禹圭君寶辛巳歲季  
春念九日同遊男許珪侍行謹題

華陰楊損益老來自都城觀桂林山水奇秀  
歎未嘗見江都尚安國長卿於是拉金華姚  
弼中文發寵弟充國翁卿定國曼卿宅相楊



俊彥周輔相與徧遊巖洞登超然過八桂升  
雉山探風穴入栖霞捫七星濯纓於伏波烹  
茶於靈隱酌酒曾公巖中泛舟妙樂堂下自  
戊申至庚戌凡三日而後歷覽物外勝遊一  
段佳事也宣和七年歲次乙巳夏六月初十

日書

灘山人曰桂諸近山七星為冠栖霞窅邃與  
人世隔故唐人比之仙庭如所云日月兩華  
君世寧有之哉猶燕秦方士談海中三神山  
者卒莫至其下雖涉本誕然是山之勝不可  
誣也故尹穡仙蹟記輒剝去之其銘特以清  
警言存李文光揚眉孫真聖殿全真觀記於攢  
峯列壑不少光贊反為羽流張其土木何以  
觀焉圖經故傳是山慶林觀以有瑞石告唐  
長世之符至遣李衛國靖就視之事有無不  
足辨而衛國為大使安撫嶺外唐書紀之明  
甚頃循彈丸溪行見溪旁石壁刻有唐桂州  
都總管使李衛國公廟天福二年加封靈顯



王字心儀其廟當在是地祠未經桂之伏波  
與祠衛國不更有顯據哉厥壁嶢嶢上出白  
雲下鏡清溪留眺良久目眴意迷憶往期友  
人故中尉經盍挈卧具壁下冀覩竟日霞洞  
函其竒彈壁挺其秀足令千山望風自失其  
惟七星乎

桂勝第六卷

桂勝第七卷  
龍隱山

七星迴映並薄青旻惟龍隱分道宅南自表  
宜以巖名建山之號云或曰龍影以龍去影  
存游者刺舟轉碕入竇見其上石裂長數丈  
作鱗甲形登岸緣麓則有大巖如排高門坐  
堂皇可以廣宴或題曰龍騰謂龍已絕地上  
飛下右亦有巖曰月牙狀月之初乃騰隱  
兩巖列坐則丹曜滅焰引舟則玄壑生涼用



消夏為快不似諸空洞來風或中人也騰巖  
又有滴玉泉泉從山椒點點墮石穴琤然作  
清響宋人來游酌石溜試新茗即此中故有  
釋迦寺環翠巖巒兩閣又有兩華堂或曰巒  
巒乃宋范公成大亭或仍閣之名范又有巒  
巒記記自吳入桂道里所歷亭廢續建後更  
名曰怡雲即故亭地宋游最盛鐫題之衆至  
環兩巖使壁無完石他巖未之有也

虞衡志云龍隱巖在七星山脚沒江水中泛  
舟至石壁下有洞門高可百丈鼓櫂而入  
仰觀洞頂有龍跡天矯若印泥然其長竟洞  
舟行僅一箭許有洞門可出巖在洞側山半  
有小寺即巖為佛堂不復屋焉

詩

宋李師中 過江緣磴尋溪根隱然絕壁天  
開門傳云此處有龍隱陰巖凜凜猶疑存風  
雲已與時變合苔蘚尚蝕初潛痕嗟予出處  
不自重遇事輕發難為神



又有序 師中嘉祐三年九月受命來嶺外  
七年十一月得請知濟州感恩顧已喜不自勝  
留詩四章以志歲月今錄其後二首  
乞得衰身出瘴烟一麾仍許視于藩家園在  
望松楸近自問如何報上恩

出岫白雲猶繚繞離羣飛鳥尚鳴悲四年人  
去豈無恨况是梅花滿樹時

張田 龍隱晦其時莫考龍驤挈攫跡堪驚  
孔明久卧養全德老子忽飛歸太清溪上一

天常氣勝洞中六月自寒生至神不得無情  
處甘澤年年灑百城

治平四年六月題後四十七年政和甲午  
三月孫脩武即先祖重書上石

轉運使太常少卿章峴 吏局區區得暇難  
倚崖高閣暫登攀羣峯半出重林外小艇橫  
浮一水間霜葉信風隨鳥逝晚雲沉石伴僧  
間夕陽欲下猶迴戀更鼓清琴數弄還

又丁未上巳重遊 溪干艤棹訪巖扉危磴



攀緣不欲歸垂乳滴聲當佛座宿雲留潤在  
僧衣聊開襖席臨流水閒擲文竿到落暉旅  
宦天涯甘寂寞送春無意惜芳菲

又留題龍隱巖 碧崖石室俯清漣蟠執靈  
虬不記年委蛭去為天下雨袍珠歸作洞中  
眠照開霧脚澄溪月滴破雲根暗穴泉負郭  
勝遊雖信美桑間留愛我無緣

熙寧戊申仲秋二十六日刻於崖壁男凝  
書

張澂 柱嶺摩天濺波經地兩磅礴盡石之  
變窮神之秘禹所鑿故其高者峭拔排空礪  
矛槩而其下者宏曠洞達侔觀閣瞻彼龍巖  
穹窿龍從跨寥廓發地百尺蜿蜒躩踞勢擎  
攫騎風乘雲去為膏澤起焦涸或為至人老  
子孔明世程驥結融肖像綵介朱髭宛如昨  
風醒雨澁森然向人恐遂躍豢龍不官孔甲  
劉累失其學亦復舞湫號蚓生物困陵轍我  
昔笠澤覽觀湖海天一握正見神物下飲濤



波醜澆滌蒼鱗修尾其大環臂烟霧薄須臾  
上征疾雷迅雨間飛電自喜壯觀光絕後前  
邈霄壖豈知白首炎暵水石窮脉絡雄姿偉  
態摩娑沈歎窘楊榘潭湫涵澹尚其來游醉  
栓爆山空月寒風露凄然誰與樂却視陳迹  
感歎陵谷貽以愕我作銘詩贅牙嘆喑媿灑  
噩琢之嵌巖日月齊光萬古託

許子紹留題龍隱巖 矯首初來北斗峯直  
穿山腹作玲瓏石間蛻骨痕猶在淵氏藏珠  
水更通霖雨幾年巖野去卧龍何處草廬空  
眼中要識真英物寫跡無勞想下風 淳熙

改元重九男升之侍

朱晞顏詩四首錄其二

遊壺天觀泛舟過龍隱洞小酌至月上乃歸  
浪道湘南是瘴鄉壺銀闕四時涼卧龍不  
起葭灰動愛日空驚繡縷長浮蟻且同佳節  
醉探梅不作少年狂暮歸慙愧山頭月照我  
駸駸兩鬢霜



又暇日過龍隱山有以千葉白梅獻者輒成  
鄙句

素艷重重疊雪輕先春不怕雪霜凝人言五  
嶺地皆熱誰折一枝寒欲冰似咲踈花太孤  
瘦故教密葉擁千層湘南別有新春樣拚醉  
花前喚不應 同時胡寺丞劉教授和梅詩  
以不及朱故不錄

張金 何年此地蟄飛龍石壁蜿蜒尚有蹤  
為報龍公莫貪睡郡人于爾卜豐凶

張叔信後有小序 幾年鱗甲蟄清淵一旦  
飛騰石自穿遺跡漫存離舊隱定應銜雨去  
朝天

又 洞口巖高著數椽湫靈聽法護金仙騰  
身一躍天池後雲霧于今尚滄然

番陽銀峯張叔信慶元戊午季春上澣偶因  
暇日携家尋勝巖洞固多而此尤絕豈非神  
剌地設者耶聊書二絕以紀其異同遊鄉雋  
余儼季莊汪邁養浩



方信孺 春波飽微綠斗柄函空明方舟貫  
巖腹鵝鶴相酬鳴仰窺穹窿頂宛轉百怪呈  
僅餘鱗甲碎不見頭角俾下闖清冷淵演迤  
萬頃澄但同魚鳥叟勿遣蛟龍驚扶苔撫竒  
篆倚棹看題名三將標殊勲自與山不傾誰  
歟贅小築政恐山靈嗔南洞更幽絕仙佛依崢  
嶸太虛可為室豈復資欒楹乳泉助茗椀中  
有冰雪清何須驟鸞去此即白玉京昂來不  
速客抱琴忽逢迎愛此無絃曲崖溜同一聲  
為君洗塵耳喚我詩魂醒祗愁白衣到好句  
亡繇成

又 石門元不鎖巖屋本無基九夏花猶在  
千年樹倒垂僧閑方定起客到每歸遲甚欲  
眠蓬葉沿崖續斷碑

又 曾榜武夷九曲何如桂嶺七星水石小  
容竊 烟雲長帶龍腥

又 愛山那惜走千回生怕前驅後騎催石  
上參差鱗甲動眼中在處書圖開驟鸞未辨



乘風去浮鷁何妨載雨來人事百年俱變滅  
祇應題字不塵埃

雨脚初收魚尾霞滿溪流水平溪花尋源曾  
識武陵洞泛宅如浮水家但得嵌空元有  
路何如峭絕不容車道人辛苦經雲水成塔  
從來是劫沙

無名氏 翠壁凌雲從耳禪扉向水開巖高隱  
靈跡地勝隔囂埃瀑影簷前落江聲檻外來  
斜陽無限景歸意幾徘徊

又 絕頂敞靈洞危空寶榻開層軒飛瀑布  
幽徑出氛埃炎暑先秋去嵐光向晚來忘機  
聊一息鷗鳥共徘徊

又七言絕句一首 亂峯凝碧闔巒岼曾有  
神龍此蟄蟠靈物已興甘澤去高巖依舊插  
雲端

題名

尚書外郎熊同文侍禁閣門祇候王貞白殿  
中侍御史俞獻可大中祥符五年九月九日



同來獻可書

廣南西路體量安撫使副余靖安道漕副熊  
文友經畧安撫蕭固幹臣轉運使宋咸貫之  
兵馬鈐轄柳涉公濟提點刑獄李師中誠之  
馬仲方子正通判黃照晦甫是日遊風洞栖  
霞洞遂遊此嘉祐五年十月晦日題趙璞書  
大宋治平元年仲冬二十七日同轉運判官  
孔延之長源前安撫司勾當公事姚原道彥  
聖新知龔州丁錚帶聲自壽寧院抵慶林觀

少休風洞上登栖霞洞却下漾檝泊龍隱巖  
行觴嘯詠日薄西渡提點刑獄余藻質夫因  
書遊覽之勝刻於崖石

經臣張覲執中劉彝志康傳燮熙寧甲寅六  
月八日同尋回穴山飯於是巖酌石乳之溜  
試源新芽香色相得皆絕歎賞數四遂同  
舟以遊風洞

權發遣轉運使尚書屯田郎中直集賢院張  
頡副使殿中丞苗時中提點刑獄太常博士



劉宗傑管勾常平前江山丞劉誼元豐元年  
八月二十四日遊龍巖

起居舍人龍圖閣待制知桂州兼廣西經畧  
安撫使曾布權發遣轉運使尚書度支郎中  
直集賢院陳倩權副使殿中丞苗時中權發  
遣提點刑獄太常博士劉宗傑權發遣提舉  
常平秘書丞齊謀管勾常平前江山縣丞劉  
誼元豐二年二月十日遊迴穴

南豐曾布己未上巳盡室經日歷覽東觀巖

穴之勝遂遊雉山

南豐曾布甬上苗時中洛陽劉宗傑歷陽齊  
謀吳興劉誼元豐二年四月二十日同遊

熙寧六年轉運使張覲經臣提點刑獄李宗  
儀唐輔馬化德之轉運判官杜璞元珍提舉  
常平關杞蔚宗傳燮志康議事於桂林 月  
二十九日成書過迴穴察訪廣西公事許彥

先覺之題

比部周應期 陳大順判官張 進士



林豐熙寧七年六月初八日同遊

朱子文劉伯宗元豐初年六月二十八日同來

朝請大夫直龍圖閣知桂州兼安撫經略胡宗回醇夫朝奉大夫轉運副使程節信叔轉奉即提點刑獄曹輔子方朝請即轉運判官程遵彥之邵承議即提舉常平徐常彥和紹聖乙亥季秋甲辰同遊

朝散即經略安撫使司勾當公事盧約瀛州

防禦推官管勾書寫機宜文字胡茂脩和州防禦推官權管勾機宜文字樓禹鄰州錄

事叅勾當公事葉世隆紹聖壬午七月癸巳信安留怙彥強江夏黃忱君錫零陵陶達由聖弟迥鄰之宣城侍其鉉希聲洛陽席貢叔獻元符己卯正月十二日同遊龍隱巖

壽之赴官合浦道出桂林遊龍隱巖伏覩先君經略龍圖留題不勝悲戚元符二年九月旦日第三男供備庫副使新差廣南西路兵



馬都監兼知廉州軍州事張壽之謹記

新定許端卿中甫雅有巖洞之好被召歸刑  
曹鄱陽程節信叔歷陽張景溫敦直金魏董  
遵守道酌別於此而中甫眷眷有惜去之意  
元符庚辰五月十九日題

鄱陽程節曲江譚棧臨川劉蒙全魏董遵廬  
陵曾正建中靖國元年寒食日同遊

天下洞類多幽陰或遠水清韻不足龍隱巖  
高而明虛而有容復臨深溪大槩似碧落洞  
而登覽之富則過之建中靖國元年臘晦日

譚棧題

譚棧周冕杜奎張灌張元穎錢孝彥李彥弼  
洪彥昇程鄰周刊范瑄曾定求辛巳臘中泮  
同遊

顯謨閣待制經略安撫使王祖道若愚權發  
遣轉運副使公事張莊正民提舉常平等事  
索述宗理權發遣轉運判官公事陳邁亨伯  
崇寧五年八月十有九日



若愚宗理亨伯正民崇寧五年聯事桂林屢  
遊巖洞將紀於石八月下澣日宗理亨伯正  
民未成而偶得此遂題

韋公輔率胥士穎孫祖德劉與呂會食崇寧  
登轉魁觀風洞歷曾公巖泛舟之龍隱晚酌  
於駮鸞閣大觀庚寅十一月二十五日士穎  
記於石

朱輅國器韓靖安道杜綜公實戴孚中道純  
周裕若德李伯脩時敏政和改元孟秋既晦  
遊曾公巖登風洞浮江下龍隱抵暮而後歸  
陳仲宜道夫唐最夢傅戴安仁質夫陳中復  
從道趙淵深之唐懋晉德政和辛卯九月十  
有三日同遊龍隱巖

建安謝勳古原田永年長沙裴嶢侯延季義  
柳杜傑淮陽楚執規楊書思鄱陽張琮臨川  
劉芑政和三年二月二十九日自東禪泛舟  
過龍隱巖

劉鎡蔡懌呂汴馮元震侯材王蕃宣和巳亥



仲秋二十三日同遊

曾郡尹溫叔挈家來遊日暮乃歸男穉侍行  
建炎庚戌六月上澣

少隱置酒翛然會公弼景淵似矩飭罷拏舟  
絕溪遊龍隱巖酌乳泉煎沉水解衣盤薄爨  
之過栖霞晚復集於寧壽紹興五年三月初

十日

建安陳杲景初襄邑鄭安恭子禮莆田吳贊  
仲一溫陵康寧元壽昭武饒浚明彥觀方城

心濟翁吳祖憲叔章觀  
寧啜茗於此晚集信善  
口題

八桂堂陶家園栖霞洞

隱晚集雉山過于家園

二日

方明紹興戊辰六月十

劉汶昌叟桐廬方洪稚



十八日同遊

素仲稚川餞別於八桂  
之巖舉觴相屬悵然有  
正月中澣

唐時逢堯廬陵劉彥登

王忠臣子厚臨川

端中雒陽李津元映

紹興己巳春社同登龍

過遊曾公巖

朱景通將之石龍黃繼道董全老解官憲慕  
王師孟詹元簡邀方稚川劉孟公餞別於脩  
然亭飯罷遊龍隱巖過栖霞洞登山臨水離  
思黯然抵暮還湘南小酌紹興庚午九月既  
望

唐逢堯趙周材汪聖錫劉時舉王公休方稚  
川紹興辛未六月二日同遊

後五十一年紹興丙子十月初五日轉運判  
官王孝先來遊恭覩先公經畧尚書舊誌驚



歲月之逝想風木之悲揮涕而書謹勒諸石  
開封蔣公被旨廣西幹事因遊諸洞至此少  
憇建武劉文舉偕行改元隆興季秋初七日  
命侄存思書於石記它日觀

七閩孫師聖黃壽之江清卿脩卿陳啓宗黃  
升卿張子真子斐王公左謝少魏乾道丁亥  
六月上休自七星聯鑣過程公巖小集龍隱  
泛舟由朝陽以歸師聖子德卿壽之子希呂  
侍行

金華朱紱永嘉周去非直夫豫章簡世傑伯  
俊西洛王子燁晦叔廣漢張杓定叟定叟之  
甥甘奕可大來遊壬辰三月晦

淳熙十三年冬十月己亥桐廬詹儀之開封  
王寅祖姑蘇孫詔遠職事之餘來遊龍隱是  
日大風重裘不煖俯仰久之至骨為聳

淳熙己酉中元日李景淳徐體仁劉益仁來  
遊龍隱巖樂水石之勝徜徉久之

桂林巖洞龍隱其最也下有潭泓澄縈紆貫



於巖腹世傳昔有龍蟠伏其間因以名焉公  
餘同廬陵曾天若婺女呂祖平新淦董世儀  
建安劉源來遊得二十八字紹熙改元十月  
吉日新安朱晞顏

慶元戊午正月八日集松關之脩然亭既而  
拏扁舟延緣過龍隱為水石更酌及暮登新  
橋以歸董世儀子羽王琨德貢熊思遜謙甫  
呂大信不約曾三畏無過武居仁榮叔玉琳  
子休饒祖堯述古楊相魏翁劉龜習季占楊

汝明仲藻魏璋廷珪劉正之子正余棣林  
高正臣治表趙善欽欽之趙師撫聖從范行  
閔景騫喜而來與者趙彥絀仲正

魏郡王子羽公飾臨江劉正之子正廬陵李  
如圭寶之豫章黃銖公權慶元戊午中秋前  
二日來遊臨流班坐洗醖更酌久之而去

嘉定巳巳合沙黃師淵子仁師騫子孝師哲  
子與師參子曾師雍子敬鄭潤輔濟仲同遊  
嘉定甲戌立秋後二日韶國趙善淇衛叔假



守王融因獲登檻同遊螺川李卿月子西鄧  
山朱燮德和男汝嶢侍

曾仝洪友成朱鉅朱鑑潘瀾劉天成趙必益  
必矩嘉定丙子十月朔同遊龍隱

嘉定丁丑立秋後一日昭武鄒應龍景初南

吳純 德粹廬陵曾煥文卿同遊

右文殿經畧安撫廬陵胡槻伯園提點刑獄  
吳興芮及言子及轉運判官栝蒼沈實茂楊  
嘉定十四年季冬十有四日同遊龍隱時茂

楊已有星郎之命

嘉熙戊戌歲七月癸未龍溪顏頤仲景正邀  
長沙鍾震春伯登湘南樓過翛然亭浮灘江  
訪龍隱窮栖霞冷水諸洞之勝羽觴滿引角  
巾相羊時以令休乘暇幽尋超然物外鬢  
乎日月華君之與遊也

淳祐丁未季秋中澣長洲陳信伯茗溪朱應  
元以幕府休暇日自癸水泛舟來遊龍隱流  
泉怪石天巧地靈老桂秋薌風清日美人世



之仙境也

河內李曾伯長孺同賓客溫陵錢宏聲父清  
湘趙畬夫俞仲長沙楊允恭謙仲三山黃應  
雷叔震眉山楊埏子西臨川鄧淳德粹衡陽  
陳彌壽仁父以淳祐庚戌二月中泮來遊是  
日又雨初霽風日和美相與煮泉瀹茗而去  
曾伯因為先世遺墨拂塵期而不至者巴郡  
稅與權巽父  
朱埴侍二親來觀寶祐戊午冬

閩中朱禊孫以景定庚申帥嶺右屬南邊俶  
擾之後惟征惟築日不暇給賴朝廷威德年  
穀屢豐邊鄙不聳盜賊衰息咸淳初元春誤  
蒙恩召歸行有日頃客任忠益楊恪趙與植  
朱景行  
文有年

胡斗元管炎發蔡文周揆王煥陳埜王公及  
來遊男直侍

古壽呂師夔虞卿以咸淳八年被旨牧桂明  
年夏五叨召東歸乃率偕行者壽諸石江陵



李直清寅之九江周得一宏英合沙周舜夫  
景舜古歙方端夫正仲光山胡文舉公選臨  
濠孫揚武景武孫振武景文壽陽揚震孫東  
叟程遙達伯淮合肥翟國寶君端子元直元  
仁元愷元方元哲侍

咸淳壬申嘉平中澣衡山熊桂巖伯 長沙  
巖龕應之廬陵管浚發李源衡陽尹可繼  
善

八桂巖洞為天下奇觀同谷李興九華章時  
發臺闕餘閒躍馬汎舟仰堯山之高挹諸巖  
之勝時和歲豐雨堯民共擊壤云咸淳甲戌  
上巳後十日

雨華堂三大字 東平劉無欲書住山僧慧  
澄刻

世節堂三大字 嘉定八年二月吉莆田方  
信孺新桂林西漕臺廳事為世節堂長沙易  
祓書扁磨崖於龍隱巖  
谿園居士四篆字吳億書



澠山人曰游觀美而舟輿湊學士集而雕鏤  
繁終宋之世騰隱兩巖衣冠填委矣畧覽文  
字識其名氏不無先政之思清直如張公田  
恬澹如李公師中所至有惠政如苗公時中  
而余公靖則勲名最優者也抵掌文苑娛情  
水石如章太常峴之清思方提刑信孺之雋  
賞益亦來遊之傑焉而其他聲侔循吏言追  
有斐逸在諸書出余覩記之外及未列名茲  
山者何可殫舉乃宋頌挈歸本傳平儂之碑  
桂故備矣至若曾之神道羅之御書並勒巖  
阿用垂不朽固孝子慈孫之心然水木非其  
墓道林壑異夫先祠況衆遊之所歸豈一姓  
之獨侈朱得屏於高涼洪遙記於鄱郡米程  
寄詠王正功留題乳洞龍隱無與也又元祐  
黨籍崇寧獎諭勅書懲既非惡賞亦非功何  
足視後世乎陳彌壽撰董公德政碑磨滅過  
半雖然棠下之思峴首之淚豈一門生所鍾  
念哉



桂勝第七卷

桂勝第八卷

屏風山

山形折疊故以屏名去圓通灣不遠灣水紆  
滴下接彈丸溪未至灣分道行稍北抵麓又  
稍東巖門在焉其門東嚮上高下廣外屬平  
野野無雜樹彌望皆長松七星諸峯近在東  
南蒼翠明滅若涌松濤入巖見兩壁瑩潔如  
新琢玉屏不但折疊微似已也深入十數丈  
地漸高起又似築臺其上上有石如鍾墮地



高起處有石磴躡盡則天光直射為後小門  
范公成大表以空明又於其外作壺天觀觀  
久廢遊者憇飲巖中如在玉壺又右壁上有  
懸崖可捫以登嘯呼其間又令人有五城十  
二樓之想壁左有李彥弼為程鄰作建築充  
州記故一名程公巖

虞衡志云屏風巖在平地斷山峭壁之下入  
洞門上下左右皆高廣百餘丈中有平地可  
宴百客仰視鍾乳森然倒垂者甚多躡石磴  
五十級有石穴通明透穴而出則山川城郭  
恍然無際余因其處作壺天觀而命其洞曰  
空明

詩

宋張孝祥

高巖劃天開仄徑通乳穴隈堆

青螺髻帶嶼白玉闕外有虎豹蹲中恐蛟蜃  
蟄東縈俯雷電西出挾日月萬壑來悲風六  
月不知熱但覺駭心目未易記筆舌平生山  
水趣嶺海最奇絕洞府二十四未厭屐齒折



晚乃遊此巖餘地比僕妾同來六七士嗜好  
頗相埒舉酒酌山神慰汝久湮滅

梁安世 宣政喜邊功隆允築州縣程公自

名巖 記所建得既不償費中興棄不繕

談謾磨崖辭當日妄誇銜英英石湖仙改作

壺天觀壁間之大字莊重如我弁詩文鸞鶴

音筆勢龍蛇孿登高瞰洞戶灘水澄如練勝

槩出靈臺遐觀起三嘆玲瓏二十四妙墨鐫

題徧我來為拂塵端茲侍顏面邦人頌遺愛

壽骨癯且徒今 麟堂安得使之見

文

宋侯彭老程公巖記 自湘南樓渡重江而

東林垆曠然距水五里有山如屏儼然高峙

若環群峯而主之其中卷然而虛曠而邃深

幽巖天成仙居神護凡數百步貫徹山之陰

高明爽塏下視七星山若導於前西顧洲渚

城邑可以指數蓋龍隱栖霞之所蘊蓄與夫

轉魁傲雲之所鋪寫是皆兼而有之備具衆



美冠於天南雖使造物者更復運意不可增  
損崇寧之初鄱陽寶文程公始開是巖方是  
時桂人樂公之化而從公之游蓋無日不熙  
然也咸以程公巖名之遺愛在人百年之思  
景物如昔言者墮淚後數年公之子旣來帥  
桂其忠義文武所為國家捍邊而庇其民  
者亦如公而年尚壯才如祿功名未易  
量也公之盛德可信者如此則是巖託公以  
久者當與召友同日而語又非特若羊公之  
峴山而已昔柳子厚為裴中丞記訾家洲其  
辭瑰怪然徒列遊觀之勝而是巖也余可以  
無藉乎

范成大壺天觀銘并序 凡洞穴皆幽闇偏  
仄秉燭而遊唯屏風巖高廣壁立如康莊大  
厦延納暉景內外昭徹石湖居士名之曰空  
明之洞繇磴道數拾級出小石穴山川城郭  
恍然無際乃作觀臺是名壺天游客詫曰大  
哉斯壺函裏如許居士曰世所有相如空浮



華心目顛倒

故善巧者能於寶珠

及以芥子乃至毫端出現塵刹彼觀者不覺不知況一壺扒客悟且笑曰然則游戲神通耶居士亦笑而爲之銘曰心塵目華三昧現前我提一壺彌羅大千無有方所四維上下此三昧門溥施遊者

題名

經畧安撫蔡懌樂道提點刑獄尚用之仲明廉訪使者張洵仁仲宣和甲辰八月初八日

同遊

桂林巖洞冠天下而此巖最清絕又五嶺之冠也延平鄧公衍彥達宜春藍茁文穎秦臺西門賞進賢平陽丘阡仲通建炎戊申天中節日來遊

經畧安撫建安周與道提點刑獄江東程巨用廉訪使者開封侯晉卿建炎二年十月初五日同遊飯罷乘輿遊栖霞洞

許中甫遊慶林來此庚辰六月廿八日題



李似之林德充許師仲兩仲同來乾道丁亥十一月廿有四日

明年秋七月甲子師仲與二水唐德柄二衢劉公實復來後三日再至

經畧安撫使范成大新作壺天觀提點刑獄鄭丙落其成轉運判官趙善政提點坑冶經畧錢守大正同集淳熙改元十月十日

夏彥鴻淳熙甲午仲秋題

淳祐丙午復亨之明日永嘉翁安之恭父寶

婺章文之文叔開封劉必聞達可廬陵郭有

道景泰左讜忠父盱江黃應龍正父周子榮

景仁縉雲潘景丑孟清江龍奎沃定同飲錢

南海錢益良輔於簪帶亭乃由栖霞步曾巖

登辰山重會於此是月也瑞雪翔空愛景騰

耀群玉獻狀沃野如繡卷焉良集於是乎書

灑山人曰余從巖壁讀李彥弼兗州記而重

有感於立名之難焉程氏帥桂暴兵竭貲以

奉異類外之奉示州部內自結於君相顯有



榮名世載不替宜矣未幾而貽梁安世之刺  
其指與宋史符豈漢法所謂附下罔上懷諛  
迷國者耶夫既偷取及身之榮又欲規徼永  
世之譽假寵文士雕篆名山自以爲計之得  
李記豔美如罔功實何故不敢取載侯語卑  
卑第爲山存之至今里人亦無復知有何程  
公巖者范文穆在鎮坦示綏褻不矜威畧公  
府多暇率遊宴水石方赴桂記驂鸞比去桂  
入蜀虞衡有志今見傳世間吳則丹青石湖  
桂則俎豆名宦不期名而名隨之太史公曰  
名不虛立士不虛附茲巖見之矣



桂勝第八卷

桂勝





世